

Набий соллаллоҳу алайҳи васалламнинг эмиздирилишлари



13:36 / 12.09.2019 2213

Арабларнинг одати бўйича, болалар сахролик аёлларга эмиздирилар эди. Уларнинг фикрича, сахронинг ҳавоси ҳам, одамларининг ахлоқи ҳам шаҳарницидан яхшироқ бўлгани учун сахролик аёлларни эмиб ўсган болалар соғ-саломат, ўткир зеҳнли бўлиб ўсади.

Пайғамбар соллаллоҳу алайҳи васалламни дастлаб ўз туққан оналари Омина етти кун эмизди, сути етмагач, бир неча кун у зотнинг амакилари Абу Лаҳабнинг озод қилган жорияси Сувайба эмизиб турди.

Ўша кунлари Бану Саъд қабиласидан эмизувчи аёллар янги туғилган гўдакларни олиб кетиш учун Маккага келиб қолишиди.

Ўша йили қурғоқчилик йили бўлиб, одамлар етишмовчиликдан қийналиб қолишиган эди. Аёллар бойроқ оилаларнинг фарзандини эмизиб, бир оз даромад топиш ниятида эдилар. Шунинг учун отаси йўқ, етим Муҳаммад мустафо соллаллоҳу алайҳи васалламни эмизишга қизиқувчи аёллар топилмади.

Минган услови оқсоқлиги учун ҳаммадан ортда қолган Ҳалима исмли аёл ҳам бойроқ оиланинг боласини олиш ниятидан холи эмас эди. Лекин кеч қолгани унга панд берди. Бойларнинг болаларини дугоналари эгаллаб олишибди.

Аввалига Ҳалима ҳам ҳалиги етим болани олишдан бош тортди. Бошқа бола топа олмагач, бир оз ўйланиб қолди. Нима, шунча жойга келиб, бола олмай кетадими? Хотинлар «Ҳалима қуруқ қайтди», деб ҳамма ёқقا гап тарқатиб юборишади-ку! Яхшиси, етим бўлса ҳам Муҳаммад деган гўдакни олиб кетгани маъқул.

Аллоҳ таоло Ҳалиманинг қалбига ўша болага нисбатан меҳр солди. У Муҳаммад соллаллоҳу алайҳи васалламни эмизгани олди.

Ҳаммадан охири келиб, ҳаммадан охири қайтган Ҳалима ўзининг оқсоқ уловининг тузалиб, илдам юраётганини пайқади. Буни қарангки, унинг ҳаммадан орқада қолган ночор улови бошқалардан ўтиб кета бошлади. Кетишда ҳаммадан ортда қолган Ҳалима қайтишда ҳаммадан олдин масканига етиб келди. У ўзи сезмаган ҳолда барча бандалар ичидан энг афзалига қўкрак тута бошлади.

Ҳалима шу болани эмиза бошлаганидан буён ҳамма нарсага барака кириб қолганини яхши билар эди: ўзининг сути ҳам кўпайди, хонадонига ҳам қутбарака кирди. Унинг болалари қўй-қўзиларини қаерда боқишлиаридан қатъи назар, уларнинг қорни ўтга, елини сутга тўлиб қайтадиган бўлиб қолди.

Шу боис болани эмизиш муддати тугаганида ҳам ундан ажрагиси келмади. Муҳаммад мустафо соллаллоҳу алайҳи васаллам икки ёшга тўлганларида у зотни оналари ҳузурига олиб бориб: «Яна бир оз менинг олдимда тарбия топсин», деб илтимос қилди. Омина онамиз ҳам ўша вақтда Макка ҳавоси яхши эмаслиги учун бу таклифга рози бўлдилар.

Орадан икки йил ўтиб, ўша ерда «شاққус-садр» – «кўксиларини ёриб, қалбларидан шайтоннинг насибасини чиқариб ташлаш» номи билан машҳур ҳодиса ҳам бўлиб ўтди.

Анас розияллоҳу анҳудан ривоят қилинади:

«Расулуллоҳ соллаллоҳу алайҳи васаллам болалар билан ўйнаб юрганларида, олдилариға Жаброил келди. Жаброил у зотни олиб, ерга ётқизиб, кўксиларини ёрди. Сўнг қалбларини олиб, ичидан лахта қонни чиқариб олди-да: «Бу шайтоннинг сендаги насибаси», деди.

Кейин уни тилладан бўлган жомда Замзам суви билан юваб, ўрнига қайтариб солди. Болалар онасининг, яъни эмизган онасининг олдига

югуреб келиб: «Мұхаммад үлдирилди», дедилар. У зотнинг олдига борсалар, ранги оппоқ ҳолда турган экан».

Анас: «Мен у зотнинг күкракларидағи ўша тикилған изни күрар әдим», деди».

Муслим ривоят қилған.

Бу ҳам Аллоҳ таоло томонидан Мұхаммад мустафо соллаллоҳу алайҳи васалламни пайғамбарликка тайёрлаш чораларидан бири әди. Лекин бундан қўрқиб кетган Ҳалима Саъдия Пайғамбаримиз соллаллоҳу алайҳи васалламни оналари Оминага қайтариб олиб борди.

«Ислом тарихи» биринчи китоб